

Matković Milan (1 osoba) - akcija "Odin";

Optužnica podignuta: 10. marta 2023.

Uvod

Tužilac Tužilaštva Bosne i Hercegovine podigao je optužnicu protiv Milana Matkovića, rođenog 1985. godine u Mostaru, državljanina Bosne i Hercegovine i Srbije, prema kojoj se optužuje za organiziranje grupe za organizirani kriminal kojoj se pridružilo nekoliko osoba radi počinjenja krivičnih djela i pribavljanje protupravne imovinske koristi.

Ime(na) optuženog/optuženih

1. Matković Milan (Dana 13. aprila 2023. Sud BiH je izrekao rješenje na osnovu kojeg se postupak protiv optuženog Milana Matkovića spaja s postupkom koji se vodi protiv optuženog Saše Ratkovića i drugih)

Optužnica

Optuženi se, zajedno s drugim članovima grupe, tereti za korištenje šifrirane aplikacije ANOM za planiranje i izvršenje više krivičnih djela, uključujući krijumčarenje i prodaju opojnih droga u Bosni i drugim zemljama. Milan Matković je optužen za višestruko organiziranje i krijumčarenje velikih količina kokaina i kanabisa, čime je u periodu od sredine 2020. godine do kraja 2021. pribavljena znatna protupravna finansijska korist.

Pored toga, osumnjičeni i njegova organizirana grupa se suočavaju s optužbom za krivotvorenje ličnih dokumenata uz pomoć policijskih službenika, s ciljem pribavljanja falsificiranih dokumenata radi lakšeg prelaska granica. Nadalje, osumnjičeni se terete za organiziranje ubistava u Srbiji, konkretnije, u Novom Sadu i Beogradu.

U optužnici se navodi da je osumnjičeni uložio značajne količine protupravno stečenog novca u nekretnine, prvenstveno u Mostaru, Trebinju i Hercegovini. Kao posljedica toga, bit će podnesen zahtjev za zabranu prodaje nekretnina kako bi se osigurala njihova zapljena tokom sudskog postupka.

Krivična djela za koja je optužen

Milan Matković opružen je za krivična djela Organizirani kriminal (Član 250 Krivičnog zakona BiH), u vezi s krivičnim djelom Neovlašteni promet opojnim drogama (Član 195 Krivičnog zakona BiH), Pranje novca (Član 209 Krivičnog zakona BiH), Krivotvorenje isprave (Član 373 Krivičnog zakona BiH), Pripremanje krivičnog djela (Član 339 Krivičnog zakona BiH), u vezi sa krivičnim djelom Ubistvo (Član 166, paragraf 2, Krivičnog zakona BiH)

Istraga

Tužilaštvo će potkrijepiti optužbe uz pomoć 50 svjedoka i osam vještaka, uključujući međunarodne vještake, te podnošenjem preko 450 materijalnih dokaza, uključujući dokumentaciju dobivenu putem međunarodne pravne pomoći od sudskih ustanova SAD-a, Srbiji i Austriji.

„Ovom objavom ne prejudicira se ishod krivionog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“

Sudski postupak

Optužnica potvrđena: 23. marta 2023. Dana 13. aprila 2023. doneseno je rješenje o spajanju postupka koji se vodi na ovom Sudu protiv optuženog Milana Matkovića s postupkom koji se vodi protiv optuženog Saše Ratkovića i drugih, te se vodi jedinstven postupak pod imenom i brojem Saše Ratkovića i drugih.

Izjašnjavanje o krivici: Dana 03. aprila 2023. optuženi se izjasnio da nije kriv za krivična djela